



# basic education

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**ISIZULU ULIMI LOKUQALA LOKWENGEZA (FAL)**

**IPHEPHA LESITHATHU (P3)**

**2016**

**IMEMORANDAMU**

**AMAMAKI: 100**

**Le memorandamu inamakhasi ayisi-16.**

**ISIQEPHU A: INDABA****QAPHELA:**

- Ngaso sonke isikhathi sebenzisa irubhrikhi uma umaka umbhalo wokuziqambela (Iphepha lesi-3, ISIQEPU A).
- Amamaki ukusuka ku: 0–50 ahlukaniswe ngokwamazinga amahlanu ngokwezinkomba.
- Okubonwa ngakho okuqukethwe, ulimi & isitayela, inkomba ngayinye kumazinga amahlanu ihlukaniswe izingxenye ezimbili kuye ngokwabiwa kwamamaki. Kunengxenye engenhla kanye nengezansi.
- Isakhiwo sona asithinteki ekuhlukaniseni ngokwezingxenye. Ayikho ingxenye engenhla noma engezansi.

**AMARUBHRIKHI OKUHLOLA I-ESEYI ULIMI LOKUQALA LOKWENGEZA [AMAMAKI ANGAMA-50]**

Okungabonwa ngakho	Okungavamile	Okunekhono	Okusendimeni	Okuqalisayo	Akwanelisi
<b>OKUQUKETHWE &amp; UHLAKA</b>  (Izimpendulo kanye nemibono) Ukuhlela imibono uyhlelela uhlaka Ukuqonda inhloso, izethameli kanye nesimo  <b>AMAMAKI ANGAMA-30</b>	<b>27–30</b>  <b>Ingxenye engenhla</b>  -Impendulo enembayo ngaphezu kobekulindelekile -Imibono ekhaliphile, echukuluza ingqondo kanye nekhombisa ukuvuthwa komqondo -Ihleleke ngobunyoninco kanye nokulandelana (nokuxhumana) kumbandakanya isingeniso, umzimba kanye nesiphetho	<b>22–23</b>  -Impendulo yakheke kahle -Imibono eshaya emhlolweni nehlabahlosile enokuvuthwa komqondo -Ihleleke kahle kakhulu kanye nokulandelana (nokuxhumana) kumbandakanya isingeniso, umzimba kanye nesiphetho	<b>15–17</b>  -Impendulo eyanelisayo -Imibono inakho ukulandelana nokushaya emhlolweni -Ihleleke ngokusendimeni kanye nokulandelana (nokuxhumana) kmbandakanya isingeniso, umzimba kanye nesiphetho	<b>9–11</b>  -Impendulo ikhombisa ukungahlangani -Imibono engacacile nokungeyona eyokuzisungulela -Kukhona okukhombisa ukuhlela okuncane nokulandelana	<b>3–5</b>  -Impendulo enhlanhlathayo -Imibono edidayo nenganembi -Akuzwakali kunokuphindhaphinda -Akukho ukuhlela kanye nokulandelana
	<b>24–26</b>  <b>Ingxenye engezansi</b>  -Impendulo yinhle kakhulu kepha intula izimpawu ze-eseyi enembayo -Imibono ekhombisa ukuvuthwa komqondo kanye nokukhalipa -lukhombisa ikhono lokuhlela kanye nokulandelana (nokuxhumana) kumbandakanya isingeniso, umzimba kanye nesiphetho	<b>18–21</b>  -Impendulo yakheke kahle -Imibono ehambisanayo nendaba nehlabahlosile -Ihleleke kahle kakhulu kanye nokulandelana (nokuxhumana) kumbandakanya isingeniso, umzimba kanye nesiphetho	<b>12–14</b>  -Impendulo enembayo kodwa intula ukucacisa -Imibono iyalandelana ngokusendimeni futhi iyamuukeka -Kukhona okukhomba ukuhlela kanye nokulandelana (nokuxhumana) kumbandakanya isingeniso, umzimba kanye nesiphetho	<b>6–8</b>  -Impendulo engashayi emhlolweni -Imibono ithanda ukuba nhlakanhlaka futhi iyadida -Ukuhlela kanye nokulandelana akukho	<b>0–2</b>  -Ayikho imizamo ekhombisa ukuphendula ngesihloko -Akuhambisani nesihloko futhi akufanelene -Akuqondene nesihloko futhi kuphithene

**AMARUBHRIKHI OKUHLOLA I-ESEYI ULIMI LOKUQALA LOKWENGEZA (kuyaqhutshewa)**

Okungabonwa ngakho		Okungavamile	Okunekhono	Okusendimeni	Okuqalisayo	Akwanelisi
<b>ULIMI, ISITAYELA &amp; UKULUNGISA AMAPHUTHA</b>  Ithoni, irejista, isitayela, ulwazimaga ayahambisana nenhoso/umthelela kanye nesimo Uukhethwa kwamagama, ukusetshenziswa kolimi, izimpawu zokuloba, uhlelo, isipelingi <b>AMAMAKI AYI-15</b>	<b>Ingxenye engenha</b>	<b>14–15</b>  -Ithoni, irejista, isitayela, ulwazimaga kuhambisana kahle kakhulu nenhoso, izethameli kanye nesimo -Ulimi lukhombisa ukuzethemba, luyancomeka kakhulu -Ithoni ekhomba ukuphoqa kanye namasu obuciko obunembayo -Akunamaphutha sanhlobo ohlelweni kanye nesipelingi -Ikhombise ikhono eliphezulu lokubumba	<b>10–11</b>  -Ithoni, irejista, isitayela, ulwazimaga kuhambisana kahle nenhoso, izethameli kanye nesimo -Ulimi lufanelekile kanye nokusetshenziswa kwethoni ngendlela efanelekile -Kukhombisa ukungabi namaphutha ohlelweni kanye nesipelingi -Ibumbeke kahle kakhulu	<b>6–7</b>  -Ithoni, irejista, isitayela, ulwazimaga kuhambisana kahle nenhoso, izethameli kanye nesimo. -Ukusetshenziswa kolimi ukudlulisa umqondo. -Ithoni ifanelekile -Kusetshenziswe amasu obuciko ukukhulisa okuqukethwe	<b>2–3</b>  -Ithoni, irejista, isitayela, ulwazimaga kuhambisana ngokungagculisi nenhoso, izethameli kanye nesimo -Ukusetshenziswa kolimi ukudlulisa umqondo akugculisi -Ithoni nephimbo akugculisi -Kusetshenziswe amasu obuciko ngokungagculisi ukukhulisa okuqukethwe	<b>0</b>  -Ulimi aluqondakali -Ithoni, irejista, isitayela kanye nolwazimaga aluhambisani nenhoso, izethameli kanye nesimo -Ulwazimaga luncane kakhulu okwenza kube lukhuni ukuqonda
	<b>Ingxenye engezansi</b>	<b>12–13</b>  -Ulimi lukhombisa ukuzethemba, luyancomeka kakhulu -Akunamaphutha ohlelweni kanye nesipelingi -Ikhombise ikhono eliphezulu lokubumba	<b>8–9</b>  -Ulimi luyahambisana futhi lufanelekile -Ithoni iyahambisana futhi ifanelekile -Kunamaphutha ambalwa ohlelo kanye nesipelingi -Ibumbeke kahle	<b>4–5</b>  -Ukusetshenziswa kolimi okusendimeni nokungahlangani okumbalwa -Ithoni ifanelekile kanye nokusetshenziswa kwamasu obuciko okunomkhawulo	<b>0–1</b>  -Ukusetshenziswa kolimi okungekho endimeni -Imisho enhlobonhlobo imbalwa noma ayikho -Ulwazimaga olunomkhawulo	
<b>ISAKHIWO</b>  Izimpawu zethekisthi, ukuthuthuka kwezigaba kanye nokwakhiwa kwemisho <b>AMAMAKI AYISI-5</b>		<b>5</b>  -Ukuthuthuka kwesihloko okunembayo -Ukucacisa okunembayo -Imisho nezigaba kwakheke kahle kakhulu	<b>4</b>  -Ukuthuthuka nokugeleza kwendaba -Ukulandelana -Imisho, izigaba kuyalandelana futhi kuxubile	<b>3</b>  -Ukuthuthuka kwendaba okulindelekile -Imisho, izigaba kwakheke kahle -I-eseyi isenawo umqondo	<b>2</b>  -Amaphuzu ambalwa azwakalayo -Imisho kanye nezigaba kunamaphutha -I-eseyi isenawo umqondo noma inamaphutha	<b>0–1</b>  -Amaphuzu awatholakali -Imisho kanye nezigaba kunamaphutha -I-eseyi ayinamqondo
<b>UKWABIWA KWAMAMAKI</b>		<b>40–50</b>	<b>30–39</b>	<b>20–29</b>	<b>10–19</b>	<b>0–9</b>

**Amakhodi Okuqopho Amamaki Kulesi Sigaba**

- Q: Okuqukethwe
- Sk: Isakhiwo
- L : Ulimi
- St: Isitayela
- Pt: Amaphutha
- Hl: Uhlaka

**Amakhodi azosetshenziswa uma kumakwa**

- QHI =30 (25+5)
- LSP =15 (8+4+3)
- Sk =05

**Amakhodi angasetshenziswa uma kumakwa**

SP – (dwebela)-isipelingi esingamukelekile.

PH – uphawu lokubhala olungemukelekile.

L – (dwebela)- ulimi olungemukelekile.

// – khombisa isigaba esisha.

NK – inkathi engemukelekile.

'S-I – i-aphostilofi engemukelekile.

GL – amagama awalandelani ngokufanele.

R – irejista.

KM – akwenzi umqondo.

ISIV. – isivumelwano esingavumelani.

AK – akudingekile.

^ – kunegama elingekho.

GN – igama elingcono.

/ –ukwehlukanisa amagama.

( ) –ukuhlanganisa amagama.

Pp – ukuphindaphinda amagama.

**OKULINDELEKILE MAYELANA NESAKHIWO SEMIBHALO (ISIQEPHU A)**

- Isingeniso: Siyaheha, siyisigaba esisodwa, singenisa indikimba.
- Umzimba:
  - (i) Izigaba zinemiqondo ezwakalayo nenikezelanayo.
  - (ii) Zihleleke kahle/umqondo osekelayo.
  - (iii) Umbhalo nombhalo mawuhambelane nenkathi okumele ubhalwe ngayo.
- Isiphetho:
  - (i) Siyisigaba esisodwa.
  - (ii) Makuvele ukuthi umbhalo usuyagoqwa noma uyasongwa.
  - (iii) Selungavela uvo lombhalu ngalokho abhala ngakho okungaba ukuxwayisa/ukweluleka/ukuxolisa.

## **ISIQEPHU A: INDABA**

### **UMBUZO 1**

#### **OKULINDELEKILE MAYELANA NEZIHLOKO ZEZINDABA (ISIQEPHU A)**

##### **1.1 Ungabomethemba Umuntu.**

Izimpendulo zingathinta amaphuzu alandelayo:

- Chaza isihloko ngamafuphi.
- Ubani owenza ukungathembeki?
- Wakwenza kanjani?
- Ukungathembeki kwalowo muntu kwayithinta/kwayishintsha kanjani impilo yakho?
- Yisiphi isifundo owasithola?
- Yisiphi isinqumo owasithatha?

Nokunye okuhambisana nesihloko.

##### **1.2 Ngiyaziqhenya Ngesiko Lami.**

Izimpendulo zingathinta amaphuzu alandelayo:

- Yini isiko/amasiko?
- Gagula/Yisho uhlobo Iwesiko/ amasiko lakho.
- Lwenziwa/Enziwa kanjani?
- Izizathu zokuziqhenya ngaleli siko/amasiko.
- Luyithinta/Ayithinta kanjani imvelaphi yakho kanye nempilo oyiphilayo?
- Linjani ikusasa mayelana naleli siko/amasiko?
- Yisiphi isifiso sakho ngaleli siko/amasiko?

Nokunye okuhambisana nesihloko.

##### **1.3 Ukubaluleka Kokuba Nomazisi (ID).**

Izimpendulo zingathinta amaphuzu alandelayo:

- Chaza ukuthi yini umazisi.
- Utholakala kanjani futhi kuphi?
- Ukubaluleka kukamazisi:
  - empilweni yakho
  - esikoleni
  - emsebenzini
  - ekuthatheni izinqumo njengokuvota
  - ezithuthini zomphakathi
- Imiphumela yokungabi/yokungawutholi umazisi.
- Umbono wakho ngokuba nomazisi.

Nokunye okuhambisana nesihloko.

**1.4      Ukufika Kukamakhelwane Omusha Kungaletha Ukuthula Nomsindo Endaweni.**

Izimpendulo zingathinta amaphuzu alandelayo:

- Yini umakhelwane?
- Wavevelaphi lo makhelwane
- Imibono ephathelene nokuthula okungaletha ukufika kukamakhelwane omusha.
- Imibono ephathelene nomsindo ongaletwa ukufika kukamakhelwane omusha.
- Imibono yakho ngokuba nomakhelwane.
- Wayevelaphi lo makhelwane?

Nokunye okuhambisana nesihloko.

**1.5      Abantu Abasha Bayawathola Yini Amathuba Alinganayo Emisebenzi?**

Izimpendulo zingathinta amaphuzu alandelayo:

- Ukuthatha uhlangothi oluvumayo noma oluphikayo.
- Yimaphi amathuba alindeleke ukuba anikwe abantu abasha?
- Izizathu zokuwathola nokungawatholi amathuba emsebenzini:
  - Iminyaka
  - Imfundo
  - Ubulili
  - Imvelaphi
  - Ubuhlanga
  - Ukukhubazeka
  - Amakhono
  - Amathalente
- Yini engenziwa ukuvimba lesi simo?

Nokunye okuhambisana nesihloko.

**1.6      1.6.1      Isithombe  
Nikeza indaba isihloko esiyifanele.**

Izimpendulo zingathinta amaphuzu alandelayo:

- Izihloko ziyokwehluka.
- Ubuntu.
- Uphawu lokukhombisa ubumbano.
- Ukubambisana/Ukusebenzisana kwabantu abahlukene.
- Ukunika isibonelo nesifundo sokubambisana.
- Ukugqugquzelala ubumbano emiphakathini.
- Ukusekelana ezimweni ezahlukene.
- Imiphumela yokubambisana kwabantu.

**QAPHELA:** Amaphuzu angehluka kuye ngesihloko esibhalwe ngumfundsi.

1.6.2

**Isithombe**  
**Nikeza indaba isihloko esiyifanele.**

Izimpendulo zingathinta amaphuzu alandelayo:

- Izihloko ziyokwehluka.
- Uhlobo lomcimbi, usuku, nesikhathi.
- Izipho:
  - Ukukhetha isipho esifanele.
    - Ukubaluleka kwesipho.
    - Ukubaluleka kokupha.
    - Ukuthola isipho.
  - Umyalezo odluliswa/olethwa ukuthola/ukunika isipho.
  - Ubukhulu nobuncane besipho.

**QAPHELA:** Amaphuzu angehluka kuye ngesihloko esibhalwe ngumfundi.

1.6.3

**Isithombe**  
**Nikeza indaba isihloko esiyifanele.**

Izimpendulo zingathinta amaphuzu alandelayo:

- Izihloko ziyokwehluka.
- Ukucwila komkhumbi omkhulu.
- Yenzeka kanjani, nini, kuphi?
- Isimo sezulu.
- Izingqinamba zokuthola usizo nokutholakala komkhumbi.
- Umonakalo emkhunjini.
- Ukulahleka kwemiphefumulo nabasindile.
- Izilwane zasolwandle eziyingozi.
- Iminden i nezhlobo.

**QAPHELA:** Amaphuzu angehluka kuye ngesihloko esibhalwe ngumfundi.

**AMAMAKI ESIQEPU A: 50**

**ISIQEPHU B: AMARUBHRIKHI OKUHLOLA IMIBHALO EMIDE EDLULISA IMIYALEZO [AMAMAKI ANGAMA-30]**

Okungabonwa ngakho	Okungavamile	Okunekhono	Okusendimeni	Okuqalisayo	Akwanelisi
<b>OKUQUKETHWE NESAKHIWO</b>	<b>16–18</b>	<b>13–15</b>	<b>9–12</b>	<b>6–8</b>	<b>0–5</b>
Impendulo kanye nemibono Ukuhlela imibono Inhloso, izethameli, izakhiwo nezimiso kanye nesimo  <b>AMAMAKI AYI-18</b>	-Impendulo enembayo ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi Iwezimpawu zohlobo lombhalo -Umbhalo unamathele esihlokweni -Amasu akhombisa ukuthelelana kanye nokulandelana -Acacia ngokusobala kanye nokusekela isihloko -Isakhiwo esifanele nesicacile	-Impendulo enhle kakhulu ekhombisa ulwazi Iwezimpawu zohlobo lombhalo -Inamathele esihlokweni -Akunamaphutha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana	-Impendulo esendimeni ekhombisa ulwazi Iwezimpawu zohlobo lombhalo -Aynamathele kahle esihlokweni -Inamaphutha ambalwa -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa kunamaphutha ambalwa	-Impendulo esezingeni eliyisisekelo ekhombisa ulwazi Iwezimpawu zohlobo lombhalo -Ukunamathele kuyabonakala kodwa kunamaphutha -Ukulandelana kwamaphuzu okuqukethwe kubuye kungabonakali -Ukuchaza okumbalwa kusekela isihloko -Usebenzise ngokunganele imithetho yesakhiwo -Kukhona okumbalwa okubalulekile	-Impendulo ikhombisa ukungabi nalo ulwazi Iwezimpawu zohlobo lombhalo -Umqondo uyanhlanhlatha kunamaphutha amanangi -Imibono ayilandelani sanhlobo -Ukuchaza okumbalwa okusekela isihloko -Akasebenzisanga nhlobo imithetho yesakhiwo
<b>ULIMI, ISITAYELA KANYE NOKULUNGISA AMAPHUTHA</b>	<b>10–12</b>	<b>8–9</b>	<b>6–7</b>	<b>4–5</b>	<b>0–3</b>
Ithoni, irejista, isitayela, inhloso/umthelela, izethameli kanye nesimo Ukugetshenziswa kolimi kanye nezimiso Ukukhethwa kwamagama Izimpawu zokuloba kanye nesipelingi  <b>AMAMAKI AYI-12</b>	-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi Iwakheke kahle kakhulu -Akunamaphutha nhlobo.	-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi Iwakheke kahle -Ulwazimagama oluhle -Akunamaphutha	-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa -Ulwazimagama olusendimeni -Amaphutha awawuphazamisi umqondo.	-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amanangi -Ulwazimagama olunganene -Umqondo ufiphele.	-Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo uyanhlanhlatha kakhulu
<b>UKWABIWA KWAMAMAKI</b>	<b>24–30</b>	<b>18–23</b>	<b>14–17</b>	<b>6–13</b>	<b>0–5</b>

**Amakhodi Okuqopho Amamaki Kulesi Sigaba**

- Q: Okuqukethwe
- Sk: Isakhiwo
- L: Ulimi
- St: Isitayela
- Pt: Amaphutha

**Amakhodi azosetshenziswa uma kumakwa:**

- QSk =18
- LSP =12 (7+3+2)

## ISIQEPHU B: IMIBHALO EMIDE EDLULISA IMIYALEZO

### UMBUZO 2

#### OKULINDELEKILE:

##### 2.1 INCWADI YOMSEBENZI/ESEMTHETHWENI

- Ikheli lobhalayo alibe ngasesandleni sokudla lihamba nosuku. Isib. (16 kuNdasa 2016/16 Mashi 2016/03.16.2016/16/03/2016)
- Ikheli lobhalelwayo alibe ngasesandleni sokunxele liqale ngesikhundla sobhalelwayo.
- Obhalelwayo makabingelelwe ngesizotha; Isib: Mnumzane/Nkosazane/ Nkosikazi.
- Qala ngomusho oyinhloko.
- Esigabeni sokuqala umfundi akahlale phezu kodaba olumenze wabhala incwadi.
- Esigabeni sesibili umfundi akasekele isizathu sokuba nethuba elingcono lokuqashwa.
- Isiphetho masibe sifishane sifingqe isicelo.
- Isivaleliso masikhombise isizotha: Yimina Ozithobayo uThandeka Ngcobo (Nksz.)

Okulindelekile: (i) Isingeniso  
(ii) Umzimba (ungaba yizigaba ezimbili).  
(iii) Isiphetho (makuvele ukuqoqeka kwencwadi).  
(iv) Amagama awabe inani elifanele.

##### 2.2 UMLANDO NGOMUFI

- Kuqala ngesihloko esiggamile esinamagama kamufi aphelele, usuku lokuzalwa nosuku ashone ngalo.
- Mawubhalwe ngenkathi edlule.
- **Isingeniso:** - Amagama onke akhe aphelele.  
- Imininingwane yakhe yonke Isib: uzalwa ngubani/ engowesingaki emndenini, kuphi nendawo.  
- Usuku ahambe ngalo emhlabeni.
- **Umzimba:** - **Isigaba sokuqala:**  
- Imininingwane yemfundo.  
- Amagalelo nezikhundla.
- Isigaba sesibili:**  
Imininingwane yasemsebenzini
  - Indawo akade esebeza kuyona.
  - Umlando ngomsebenzi wakhe.
  - Amagalelo nezikhundla emsebenzini.
  - Aphumelela kukhona/neqhaza abelibambile emphakathini.
- **Isiphetho:** - Abashiyile/nazokhunjulwa ngakho.  
- Umusho omfushane wokumvalelisa. Isib: Lala uphumule Ngwane ... (nokunye)
- Amagama awabe inani elifanele.

## **2.3 I-AJENDA NAMAMINITHI OMHLANGANO**

- Kumele kube nalezi zihlokwana ezilandelayo:
  - Isihloko
  - Usuku
  - Isikhathi
  - Indawo
  - Ukuvula
  - Abakhona
  - Abangekho/Abaxolisile
  - Ukufundwa kwamaminithi omhlangano odlule
  - Okuvuka/Ezivuka emaminithini
  - Ezintsha/Ezosuku
  - Amaphuzu abazokhuluma ngawo
  - Izinqumo/Izincomo
  - Ezixubile
  - Ukuvala
- Amagama awabe inani elifanele.

## **2.4 INKULUMO-MPENDULWANO/INGXOXO**

- Isingeniso/Isethulo
- Ukusetshenziswa kwezimpawu ezifanele.
- Amagama abakhulumayo.
- Isingeniso: Masikhombise ukwazana/ubungani.
- Umzimba: Ingxoxo mayikhule ifike kuvuthondaba.
- Isiphetho: Mabavalelisane kahle.
- Amagama awabe inani elifanele.

**AMAMAKI ESIQEPU B:**      30

**ISIQEPHU C: AMARUBHRIKI OKUHLOLA IMIBHALO EMIFISHANE EDLULISA IMIYALEZO [AMAMAKI AMGAMA-20]**

Okungabonwa ngakho	Okungavamile	Okunekhono	Okusendimeni	Okuqalisayo	Akwanelisi
<b>OKUQUKETHWE NESIKHAWO</b>	<b>9–12</b>	<b>7–8</b>	<b>5–6</b>	<b>3–4</b>	<b>0–2</b>
Impendulo nemibono Ukuhlela imibono Izimpawu/Izimiso kanye nesimo	-Impendulo enembayo ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi Iwezimpawu zohlobo lombhalo  <b>AMAMAKI AYI-12</b>	-Impendulo enhle kakhulu ekhombisa ulwazi Iwezimpawu zohlobo lombhalo -Inamathele esihlokweni akunamaphutha -Ukulandelana kokukethwe nemibono, kuchazwe kahle futhi kusekela isihloko -Isakhiwo esifanele esinamaphushana	-Impendulo esendimeni ekhombisa ulwazi Iwezimpawu zohlobo lombhalo -Ayinamathele kahle esihlokweni -Inamaphutha ambalwa -Ukulandelana kwemibono okuukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa esinamaphutha ambalwa	-Impendulo eseizingeni eliyisisekelo ekhombisa ulwazi Iwezimpawu zohlobo lombhalo -Ukunamathele kuyabonakala kodwa kunamaphutha -Ukulandelana kwamaphuzu okuukethwe kubuye kungabonakali -Ukuchaza okumbalwa kusekela isihloko -Usebenzise ngokunganele imithetho yesakhiwo -Kukhona okumbalwa okubalulekile	-Impendulo ikhombisa ukungabi nalo ulwazi Iwezimpawu zohlobo lombhalo -Umqondo uyanhlanhlatha kunamaphutha amanangi -Imibono ayilandelani sanhlobo -Ukuchaza okumbalwa okusekela isihloko -Akasebenzisanga nhlobo imithetho yesakhiwo
<b>ULIMI, ISITAYELA KANYE NOKULUNGISA AMAPHUTHA</b>	<b>7–8</b>	<b>5–6</b>	<b>4</b>	<b>3</b>	<b>0–2</b>
Ithoni, irejista, isitayela, inhloso/umthelela, izethameli kanye nesimo Ukusetshenziswa kolimi kanye nezimiso Ukukhethwa kwamagama Izimpawu zokuloba kanye nesipelingi	-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi Iwakheke kahle kakhulu -Akunamaphutha nhlobo	-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi Iwakheke kahle -Ulwazimagama olusendimeni -Amaphutha awawuphazamisi umqondo	-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa -Ulwazimagama olusendimeni -Amaphutha awawuphazamisi umqondo	-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amanangi -Ulwazimagama olunganele -Umqondo ufiphele	-Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo uyanhlanhlatha kakhulu
<b>AMAMAKI AYISI-8</b>					
<b>UKWABIWA KWAMAMAKI</b>	<b>16–20</b>	<b>13–15</b>	<b>9–12</b>	<b>6–8</b>	<b>0–5</b>

**Amakhodi Okuqopho Amamaki Kulesi Sigaba**

- Q: Okuqukethwe
- Sk: Isakhiwo
- L: Ulimi
- St: Isitayela
- Pt: Amaphutha

**Amakhodi azosetshenziswa uma kumakwa:**

- QSk =12
- LSP =08 (4+2+2)

## **ISIQEPHU C: IMIBHALO EMIFISHANE EDLULISA IMIYALEZO**

### **UMBUZO 3**

#### **OKULINDELEKILE**

##### **3.1 ISIKHANGISI**

- Masifikwe ebhokisini.
- Isihloko sokukhangiswayo.
- Ifonti ehlukene.
- Ulimi olusetshenzisiwe.
- Imininingwane elindelekile:
  - Indawo.
  - Izikhathi zokusebenza.
  - Izinombolo zocingo/umakhalekhukhwini.
  - Izinhlobo zezinto/zezimpahla eziwashwayo.
- Amagama awabe inani elifanele.

##### **3.2 IPHOSKHADI**

- Ayifakwe ebhokisini.
- Ikheli lobhalelwayo.
- Isitembu saseposini.
- Usuku nendawo lapho livela khona.
- Ukubingeleta.
- Umyalezo mawunamathele esihlokweni.
- Ukuvalelisa.
- Amagama awabe inani elifanele.

##### **3.3 IMIYALELO**

- **Izithako:**
  - amanzi angamalitha ayi-6
  - ushukela oyizinkomishi ezi-2
  - izinkambi zetiye amaphakethe angama-30
  - ubisi olungamalitha ama-2
- **Indlela yokwenza:**
  - Bilisa amanzi ngeketela elikhulu.
  - Faka izinkambi ethiphothini noma uzibeke eceleni.
  - Thela ubisi olushisayo/olubandayo kujeke.
  - Thela ushukela ezitsheni.
  - Beka izinkomishi namasoso kanye nezipuni zetiye.
  - Faka izinkambi namanzi abilayo ezinkomishini.
  - Faka ushukela nobisi bese uyagoqoza.
- **Umbono:**  
Lingaphuzwa nezinkwa noma namakhekhe.
- Amagama awabe inani elifanele.

## **OKULINDELEKILE MAYELANA NOBUDE NOBUFUSHANE BEMIBHALO**

- Uma amagama eqe noma ehle esukela ku 1–5 kuyokwamukeleka.
- Uma amagama eqe noma ehle esukela ku 6–10 kuyosuswa imaki elilodwa.
- Uma amagama eqe noma ehle esukela ku 11–15 kuyosuswa amamaki ama-2.
- Uma amagama eqe noma ehle esukela ku 16 kuya ku-20 kuyosuswa amamaki ama-3.

**AMAMAKI ESIQEPU C:**      20  
**AMAMAKI ESEWONKE:**      100